

“Na rōsa por la vita”: giulan dl’offerta de 1335 € che jará ala Krebshilfe.

“Effektive Mikroorganismen(EM)” – Natürliche Helfer für Gesundheit und Umwelt: en mertesc, ai 29 de aurí dales 19.30 a San Ciascian tla Ciasa J.B. Rinna cun le referënt Wilhelm Tinkhauser. Al gnará splighé ci ch’ái é, sciöche ai funzionëia, olache ai pó gni adorá y co i realisé instësc.

Lift da La Crusc – informaziun: al vëgn lascé alsavëi che, sce le tēp é bel, le mertesc ai 29 de aurí sará n gran elicoter en aziun por deplü ores por realisé le lift nü de La Crusc. Al vëgn perié da sté dalunc dala linea dl lift y dala linea dl jore che condüj ite Anvi. Bel giulan por la colaboraziun.

Vangele dla proscima domënia – 3^a de Pasca Jan 21, 1–14 forma cörta

Te chël tēp s’á Gejú ciamó n iade manifesté ai discepui. Chësc ê söl lech de Tibéria y al s’á manifesté a chësta manira. Scimun Pire, Tomesc, nominé Didimus, Natànael da Cana tla Galilea, i fis de Zebedeus y dui d’atri de sù discepui ê impara. Scimun Pire ti á dit a d’ëi: Iö vá a pié pësc. Ai ti á dit: I gñun ince nos cun te. Spo ési piá ia y fora y é jüs tla barca. Mo en chëla nôt ne n’ái pié nia.

Canch’al gnô bele de, ê Gejú sön spona, i discepui indere ne savô nia ch’al ê Gejú. Gejú ti á dit: Mi mituns, ne n’ëise nia da mangé? Ai ti á respognü: No. Mo ël ti á dit: Sciurede fora la rëi dala pert dërta dla barca y i abinarëis val’. Ai á sciuré fora la rëi y n’ê nia plü bogn da la trá indô ite, tan plëna de pësc êla. Dailó ti á le discepul, a chël che Gejú ti orô bun, dit a Pire: Al é le Signur! Canche Scimun Pire â aldí, ch’al é le Signur, s’ál ciolé ados le quant da sura ia, deach’al é desnü y é salté tl lech. I atri discepui ê gnüs do cun la barca tiran do la rëi cun i pësc laite, deache ai n’ê pö nia dalunc dala spona, ma incër duicënt brac.

Canch’ái ê spo jüs sön tera frëma, ái odü ia por tera n fûch de borëis y lassura pësc y pan. Gejú ti á dit: Portedenen ca de chi pësc ch’i eis dër pié. Dailó é Scimun Pire jü y á trat la rëi fora sön spona. Ara é implida de cënticincantetrëi de gragn pësc, y scemía ch’al n’ê tan tröc, ne se scarzâ la rëi nia. Gejú á dit: Gnide ca y mangede! Degügn di discepui ne s’un fidâ da le damané: Che este pa? Deache ai savô ch’al é le Signur. Gejú é gnü pomez, á tut le pan y ti l’á dé y insciö ince le pësc. Chësc ê bele le terzo iade, che Gejú s’á manifesté ai discepui, do ch’al é ressorí dai morc.



Plata dla Ploania Badia

San Iaco - San Linert

Ploan: **Siur Iaco Wendelin Willeit**

Cell. **347 909 4532**

Calonia Badia: **0471/839571**

E-Mail: **parrocchiabadia@libero.it**

Radio dla Ploania: **91,10 Mhz**

UNITÉ PASTORALA




www.unitepastorala.org

Ann „C“

27.04. – 04.05.2025

II Domënia de Pasca n. 22

Papa FRANCËSCH dal 2013 al 2025



I periun Crist Ressorí da tó sö te so rëgn nosc Papa
Francësch che nes á lascé en Lünesc de Pasca

FUNZIUNS SACRES

27.04 2^a DOMÈNIA de PASCA / FESTA dla CREJIMA

Domènia Blanca y dla Misericordia

10.00 Dan calonia: salüt y ingres te dljia di crejimanc
Mëssa cun aministraziun dl Sacramënt dla Crejima

†to Ilario Valentin y families

por fam. de Maria Valentin

†to siur Robert Miribung

15.00 Ora de adoraziun

18.00 **Mëssa da sëra**

†to Pire Valentini

†to Sandro Costa (dala uniun ëi)

†ta Brigitta Ploner Dapunt (dala uniun ëles)

por les families de Sandro y Emma Costa

30.04. Mercui - **Mëssa cun scholars y scolares**

07.25 †ti Luigi y Anna Frenademetz

†ti Paul y Afra Declara

por les animes dl purgatore

01.05. Jöbia - **S. Ujöp Laurant**

08.00 †ti Felice y Maria Flatscher

†ti Arcangel y Milia Pitscheider

†ti Milio y Tarina Valentini

02.05. Vëndres - **Prüm vëndres dl mëis**

07.30 †to Giacomo Pescollderungg - aniversar

vis y †ti de Monica Saning

por les animes plö arbandonades

03.05. Sabeda – **S. Iaco y Filip apostui**

16.00 Mëssa a Oies

19.30 Devoziun de Ma

04.05. 3^a DOMÈNIA de PASCA - Festa de S. Florian

10.00 **Mëssa dla Comunità cun i Stüdafüch/ benedisciun auti**

†to Paolo Pitscheider di Puntac

†to Tone Anvidalfarei (Pic'Tone)

†to Sandro Canins

18.00 **Mëssa da sëra**

†to Sepl Pizzinini de Crafunara

†ti Ida y Sepl Tavella

†to David Irsara

Dala VITA dla CÛRA



FESTA dla CREJIMA

chësta domènia, ai 27 de aurí

30 jogn y jones

de Badia, La Ila, S. Ciascian,

Corvara y Calfosch

gnará confermá dal Canonicus siur Ulrich Fisill

Che le Spirit Sant i acompagnes sön le tru de súa vita

Crejima 2026: por la preparaziun ala proscima Crejima pó se scrí ite düc chi che complësc 16 agn. I inviun jogn y jones cun sü geniturs a na sëra de informaziun ai 20 de ma dales 20:00 a Badia o ai 31 de ma a S. Martin. La prüma incuntada di crejimanc a nivel de valada sará ai 9 de jügn – Lünesc de Pasca de Ma.

Proscima Preparaziun al Bato : la Uniun dles Ėres Catoliches de nosc decanat inviëia düc i geniturs che á n pice möt o na picia möta da batié, përs che aspeta, toc y totes de nosc decanat ala preparaziun dl Bato en sabeda ai 03 de ma dales 15:00 a La Pli – salf dles uniuns. Deboriada orunse aprofondí l'importanza de chësc sacramënt, presenté le ritus y splighé i simboi dl Bato. Präibel se prenoté pro Lucia al nr 334/3200396

“Umes präia deboriada”: chësc grup se abina en mercui, ai 30 de aurí dales 20:00 te dljia por n'ora de oraziun olache al gnará fat ince la Via Lucis. Düc é dër bel invia.

Devoziun de Ma: ala mët man en sabeda, ai 3 de ma y spo fora por düc le mëis vigni lünesc y sabeda dales 19:30.

Giulan di sorvisc che é stá fac tratan les festes y santus da Pasca. N rengraziamënt ince por l'offerta de Carsëma de 4.780,78